

四庫全書

子部

欽定四庫全書

子部

薛氏醫案卷三十

詳督太醫院八品吏目黃發

編修臣倉聖脈覆勘

總校官原任中允臣王燕緒

校對官助教臣卜維吉

謄錄監生臣繆瀛

欽定四庫全書

薛氏醫案卷三十

明薛己訂

婦人良方

婦人熱勞論第一

婦人熱勞由心肺壅熱傷於氣血以致心神煩躁頰赤  
頭疼眼溢唇乾口舌生瘡神思昏倦四肢壯熱飲食無  
味肢體酸疼心怔盜汗肌膚日瘦或寒熱往來當審其

所因調補氣血其病自愈矣

愚按前症乃壯火食氣虛火煎熬真陰之所致也王  
太僕云如大寒而甚熱之不熱是無火也熱來復去  
晝見夜伏夜發晝止是無火也當治其心如大熱而  
甚寒之不寒是無水也熱動復止條忽往來時動時  
止是無水也當助其腎心盛則生熱腎盛則生寒腎  
虛則寒動於中心虛則熱收於內竊謂前症若肝脾  
血虛用四物參朮肝脾鬱怒小柴胡合四物湯脾胃

氣虛補中益氣湯肝脾血虛加味逍遙散肝經風熱  
加味小柴胡湯心經血虛天王補心丹肺經氣虛人  
參補肺湯肝經血虛加味四物湯大抵午前熱屬氣  
分用清心蓮子飲午後熱屬血分用四物參朮丹皮  
熟從左邊起肝火也實則四物龍膽山梔虛則四物  
參朮黃芪熟從臍下起陰火也四物參朮黃柏知母  
酒拌炒黑五味麥門肉桂如不應急用加減八味丸  
不時而熱或無定處或從脚心起此無根虛火也用

加減八味丸及十全大補湯加麥門五味主之

附治驗

一婦人經行不調飲食少思日晡熱甚余以爲肝脾氣血俱虛用十全大補加山茱山藥丹皮麥門五味而愈次年秋寒熱如瘧仍用前藥而愈

一婦人生育多胎月經不調兩足發熱年餘其身亦熱勞則足痠痛又年許唇腫裂痛又半年唇裂見血形體瘦倦飲食無味月水不行此氣血俱衰之症彼

誤用通經丸等藥復傷氣血遂致不起惜哉

黃芪散 治發熱羸瘦心燥口乾不欲飲食或盜汗晡

熱

人參

黃芩

焦炒

當歸

各三錢

柴胡

分五

黃芪

炒

地骨皮

白茯苓

麥門冬

去心

生地黄

白芍藥

炒各一錢

甘

草

炒三分

右水薑煎

猪肚丸 治熱勞羸瘦

柴胡 赤茯苓 人參 黃芪 各一兩 黃連 炒三兩 地

骨皮 木香 各五錢 桃仁 去皮尖 鼈甲 各一兩

右爲末用嫩猪肚一枚入藥縫合蒸熟研爛丸桐子大每服三五丸食前米飲下日二服

附方

清心蓮子飲 治熱在氣分口乾小便白濁夜間安靜  
晝則發熱又治口舌生瘡或口苦咽乾煩躁作渴小便赤澁下淋不止或莖中作痛



黃芩

炒

麥門冬

心去

地骨皮

車前子

炒

甘草

各一錢半

石蓮肉

茯苓

黃芪

炒

柴胡

去苗

人參

各一錢

右每服五錢水煎

補中益氣湯

加味四物湯

四物湯

三方見二十四卷第六論

加味小柴胡湯

小柴胡湯

二方見二十四卷第二論

十全大補湯

加味逍遙散

二方見二十四卷第四論

天王補心丹

寧心保神益血固精壯力強志令人不

忘清三焦化痰涎祛煩熱除驚悸療咽乾育養心神

人參

去蘆

茯苓

玄參

丹參

桔梗

遠志

各五錢

當歸

酒浸

五味

麥門冬

去心

天門冬

栢子仁

酸

秦仁

炒各一兩

生地黄

四兩

右爲末煉蜜丸桐子大用硃砂爲衣每服二三十丸

臨卧竹葉煎湯送下一方多石菖蒲熟地黃杜仲百  
部茯苓甘草此方内天麥門冬玄參生地雖能降火  
生血化痰然其性沉寒損傷脾胃尅伐生氣若人飲  
食少思大便不實者不宜用

人參補肺湯

方見二十四卷第十二論

加減八味丸

方見二十四卷第十一論

婦人客熱方論第二

婦人客熱由元氣虛而外熱乘之以致口燥心煩四肢

壯熱肌肉消瘦治法當審其因而調補之

愚按前症若客邪所侵用補中益氣加川芎防風肝  
虛血少六味地黄丸胃火飲冷錢氏瀉黃散胃虛飲  
湯七味白朮散潮熱時熱八珍湯晡熱內熱逍遙散  
發熱體倦補中益氣湯恚怒發熱小柴胡湯鬱怒發  
熱加味歸脾湯寅卯酉戌時熱升陽益陰湯

附治驗

一婦人素有胃火服清胃散而安後因勞役躁渴內

熱肌肉消瘦月經不行此胃火消燂陰血用逍遙散  
加丹皮炒梔以清胃熱用八珍湯加茯神遠志以養  
脾血元氣充足而經自行矣

麥門冬散 治四肢倦痛煩悶不食或寒熱往來

麥門冬去心 柴胡 赤茯苓 羚羊角鎊 赤芍藥

桑白皮炒 黃芪炒各四分 生地黃 甘草炒各三分

右薑水煎

附方

補中益氣湯

方見二十四卷第六論

六味丸

方見二十四卷第十一論

瀉黃散

方見五卷第三論

七味白朮散

方見二十一卷第二論

八珍湯

加味歸脾湯

逍遙散

三方見二十四卷第四論

小柴胡湯

方見二十四卷第二論

升陽益胃湯

方見三卷第九論

清胃散

方見二十四卷首論

婦人寒熱方論第三

經曰陽不足則先寒後熱陰不足則先熱後寒皆由勞傷氣血陰陽不調寒熱如瘧也當分氣血虛實而治之  
愚按前症若寸口脉微名曰陽不足則陰氣上入於陽中用補中益氣湯若尺部脉弱名曰陰不足則陽氣下陷入陰中用益陰腎氣丸若因氣血俱虛用八

珍湯若因怒動肝火用小柴胡湯若陰陽俱不足則氣血不歸其本部以致寒熱交爭也

附治驗

一婦人年六十有四久鬱怒頭痛寒熱春間乳內時痛服流氣飲之類益甚時有血如經行又大驚恐飲食不進夜寐不寧兩乳腫脹兩脇焮痛午後色赤余以爲肝脾鬱怒火燥先以逍遙散加酒炒黑龍膽一錢山梔一錢五分服二劑腫痛頓愈又二劑全愈再



用歸脾湯加炒梔貝母諸症悉愈

地骨皮散 治血風氣虛時作寒熱或晡熱內熱

柴胡 地骨皮 各一兩 桑白皮 炒 枳殼 麩炒 前胡 黃

芪 炒各五分 白茯苓 五加皮 人參 甘草 桂心

白芍藥 各三分

右薑水煎服

柴胡散 治寒熱體痛口乾心煩飲食少思肌體消瘦

柴胡 黃芪 炒 赤茯苓 白朮 各錢 人參 地骨

皮 枳殼炒 生地黃 苦梗 桑白皮炒 赤芍藥

各三分 鼈甲炙 麥門冬去心 甘草三分

右水薑煎服

益陽腎氣丸 治諸臟虧損發熱晡熱潮熱盜汗或寒

熱往來五心煩熱或口乾作渴月經不調或筋骨痠

倦飲食少思或頭目不清痰氣上壅咳嗽晡甚胸膈

痞悶或小便赤數兩足熱痛或脚足痿軟肢體作痛

等症此壯水之主以制陽光之劑也

澤瀉

茯苓

生地

酒拌  
枱青

牡丹皮

山藥

茱萸

肉  
當歸

五味子

枱炒

熟地

自製  
枱青

右爲末入二膏加煉蜜丸桐子大硃砂爲衣每服五  
十丸空心淡鹽湯下

補中益氣湯

方見二十四卷第六論

六味丸

方見二十四卷第二論

小柴胡湯

方見二十四卷第二論

八珍湯

逍遙散

歸脾湯

三方見二十四卷第四論

寡婦寒熱如瘧方論第四

倉公傳與褚氏論皆云師尼寡婦獨陰無陽愆心萌而不遂是以慄慄成病以致乍寒乍熱而類瘧狀久則爲勞又有經閉白淫痰逆頭風膈氣痞悶面黧瘦瘠等證皆寡婦之病診其脉獨肝脉弦出寸口而上魚際皆血盛而致經云男子精盛則思室女人血盛則懷胎觀其

精血思過半矣

愚按前症若肝脉弦出魚際用生地黃丸血虛佐以  
四物湯若兼怒動肝火而寒熱佐以加味逍遙散若  
虧損肝經而寒熱佐以八珍湯若虧損元氣而寒熱  
佐以補中益氣湯若鬱傷脾氣而寒熱佐以濟生歸  
脾湯

附治驗

一寡婦不時寒熱脉上魚際此血盛之症用小柴胡

湯加生地黃治之而愈但畏風寒此脾胃氣虛用加味歸脾補中益氣二湯兼服而止

一婦人因夫久出經商發寒熱月經旬日方止服降火涼血藥內熱益甚自汗盜汗月經頻數余曰內熱自汗乃脾氣虛弱也月經頻數乃血不歸脾也用歸脾湯六味丸而愈

一室女寒熱肝脉弦長而出寸口用小柴胡湯加生地烏梅治之而愈既嫁而諸症悉痊

一室女久患寒熱月經失期以小柴胡湯加生地治之少愈更以生地黄丸而痊

生地黄丸 許學士云有一師尼惡風體倦乍寒乍熱

面赤心煩大小柴胡湯雜進其病益劇予診視之曰三部脉無寒邪但肝脉弦長而上魚際服此丸而愈

柴胡 秦朮 黃芩 各半兩 赤芍藥 一兩 生地黄 二兩

青并

右爲末煉蜜丸桐子大每服三十九烏梅湯下日三

服

附方

補中益氣湯

四物湯

二方見二十四卷第六論

加味道遙散

八珍湯

加味歸脾湯

歸脾湯

四方見二十四卷第四論



小柴胡湯

方見二十四卷第二論

六味丸

方見二十四卷第十一論

婦人惡寒方論第五

婦人惡寒有陰陽二證發熱而惡寒者發於陽也無熱而惡寒者發於陰也發於陽者脉浮數宜解表發於陰者脉沉細宜溫裏凡惡寒不可過覆衣被及近火熱若寒熱相搏令人寒甚若寒氣入腹血室結聚最難治療愚按前症若怠惰嗜卧洒淅惡寒乃陽不能伸發用

升陽益胃湯若勞傷形氣而惡寒乃無陽以護衛  
用補中益氣湯若飲食傷脾胃而惡寒乃元氣虛損  
用六君子湯若加煩躁妄言或欲飲水仍進前劑但  
加薑桂若體倦煩渴頭痛自汗用補中益氣加五味  
麥門東垣云晝則發熱惡寒是陰氣上溢於陽分也  
夜則惡寒是陰血自旺於陰分也海藏云六月大熱  
之氣反得大寒之症當捨時從症治以薑桂之類丹  
溪云久病惡寒乃痰鬱於脾抑遏陽氣不得外泄治

當解鬱

附方

升陽益胃湯

方見三卷第九論

補中益氣湯

六君子湯

二方見二十四卷第六論

婦人血風煩悶方論第六

婦人血風煩悶由勞傷氣虛而風邪乘之血氣不和以致肢節熱疼口乾不卧而煩悶也當調補元氣為主

愚按前症多屬肝脾血虛發熱當參照前寒熱方論

主治

赤芍藥散

治煩悶不食體倦頭眩身體疼痛等症

赤芍藥

酒炒

白茯苓

各一錢

甘草

炒

柴胡

各五分

右薑棗水煎

婦人血風攻脾不食方論第七

夫脾為中州益智之臟也諸經皆賴其養與胃為表裏  
胃主司納脾主腐化若勞傷真氣外邪乘之諸症生焉

愚按經云胃乃脾之剛脾乃胃之柔傷胃則脾無所稟受傷脾則不能爲胃運化是以脾胃爲之表裏藉飲食以滋養百脉者也竊謂前症若飲食所傷六君子湯勞役所傷補中益氣湯若風寒所傷用人參理中湯木旺乘土六君加柴胡嘔吐腹痛或大便不實前湯加木香胸膈虛痞或肚腹不利六君子湯鬱怒傷損肝脾歸脾湯命門火衰八味仍審諸經錯雜之邪而治之假如不能食而肌肉削乃脾胃經本病右

關脉緩而弱乃脾胃之本脉若見弦緊或四肢滿閉  
淋溲便難轉筋此肝之脾胃病也若兼洪大或肌熱  
煩熱面赤此心之脾胃病也若兼浮澁或氣短而急  
咳嗽痰盛此肺之脾胃病也若兼沉細或善恐善欠  
此腎之脾胃病也各當於本經藥中加兼症之藥此  
東垣先生之治法也

治附驗方藥

一婦人停食飽悶或用人參養胃湯木香檳榔丸而

泄瀉吐痰腹中成塊又與二陳黃連厚朴反加腹脹  
不食余以爲脾胃氣虛不能消磨用補中益氣加茯苓  
半夏五十餘劑脾胃健而諸症痊

一婦人飲食每用碗許若稍加非大便不實必吞酸  
噯腐或用二陳黃連枳實反加內熱作嘔余曰此末  
傳寒中不信仍作火治虛症悉至月經不止余用六  
君加炮薑木香數劑諸症漸退又以補中益氣加炮  
薑木香茯苓半夏數劑全愈後因飲食勞倦兼以怒

氣飲食頓少元氣頓怯仍用前藥更加發熱脉洪大按之而虛兩尺如無此命門火衰用補中益氣加薑桂及八味丸兼服兩月餘諸症尋愈此症若因中氣虛弱用人參理中湯或六君子加木香炮薑不應用左金丸或越鞠丸虛寒加附子理中湯無有不愈一婦人飲食後或腹脹或吞酸自服枳朮丸飲食日少胸膈痞滿腿內酸痛畏見風寒或用養胃湯腿痛浮腫益盛月經不行余以爲鬱結所傷脾虛濕熱下



注侵晨用四君芎歸二陳午後以前湯送越鞠丸諸  
症漸愈又用歸脾八珍二湯兼服兩月餘而經行

一婦人胸滿少食或腹脹吞酸或經候不調此中氣  
虛而不能施化也用補中益氣加砂仁香附煨薑而  
飲食進更以六君芎歸貝母桔梗而經自調

一婦人年三十餘忽不進食日飲清茶水菓三年餘  
矣余謂脾氣鬱結用歸脾湯加吳茱萸四劑遂飲食  
如常若人脾腎虛而不飲食當以四神丸治之

一婦人不進飲食二年矣日飲清茶菓品之類肝脾  
二脉弦浮按之微而結滯余謂肝脾氣鬱用六君木  
香吳茱下痰積甚多飲食頓進形體始瘦卧床月餘  
仍服六君之類而康

越鞠丸 治鬱傷氣滯以致胸膈痞悶或肚腹膨脹或  
咽喉不清或痰氣不爽或飲食少思或吞酸不腐宜  
用此藥清之若人脾胃虛弱用六君子湯爲主大凡  
中氣虛弱變症百出難以名狀但用四君補其脾胃

元氣漸復諸症自退若用治病之藥則誤矣

香附

蒼朮

炒

川芎

梔子

炒

神麴

炒

山查

各等分

右爲末用神麴糊丸菘豆大每服六七十丸食遠白湯送下

四君子湯

六君子湯

補中益氣湯

三方見二十四卷第六論

八味丸

方見二十四卷第十一論

人參養胃湯

方見七卷第六論

二陳湯

左金丸

方見七卷第十七論

人參理中湯

附子理中湯

二方見二十卷第六論

歸脾湯

八珍湯

二方見二十四卷第四論

二神丸

四神丸

二方見八卷第八論

婦人夢與鬼交方論第八

人稟五行秀氣而生承五臟神氣而養若調理失節血氣虛衰則鬼邪干其正隱避而不欲見人時獨言笑或時悲泣是其候也脉息遲伏或如鳥啄或綿綿而來不知度數面顏不變亦其候也

愚按前症多由七情虧損心血神無所護而然也宜用安神定志等藥則正氣復而神自安若脉來乍大

乍小乍短乍長亦爲鬼祟也宜灸鬼哭穴

以患人手搏指相

並用煉繫乳當合縫處半肉半甲間灼艾灸七壯若果是邪祟病者即乞求免灸云我自去矣

茯神散

治妄有所見言語雜亂時或昏昧痰熱

茯神

一兩半炒

伏苓

人參

石菖蒲

各一錢

赤小豆

五分

右水煎服

桃仁丸

治與鬼魅交通

辰砂

另研

檳榔

當歸

桃仁

各三錢

水銀

一錢

棗肉一個研令

星麝香

阿魏

麝香

沉香

各半兩

右爲末煉蜜丸桐子大每服十九空心桃仁湯下  
辟瘟丹

虎頭骨

二兩

硃砂

雄黃

雌黃

鬼臼

皂莢

蕪荑仁

鬼箭羽

藜蘆

各一兩

右爲末煉蜜丸彈子大囊盛一丸男左女右繫臂上  
及用一丸當病人戶前燒之一切邪鬼不敢近

妙香散 治心氣不足精神恍惚夢與鬼交語言錯亂

先服此以補氣血鎮心安神然後以前方治之

方見

三卷第十三論

婦人傷寒傷風方論第九

傷寒之症若氣口脉緊盛即下之人迎緊盛即汗之左  
關浮緊亦當發其汗若犯胃熱譫語喜忘小腹滿小便  
自利用抵當湯胃實譫語用承氣湯脉緊無汗名傷寒  
脉緩有汗爲傷風熱病脉洪大爲中暑用香薷飲脉細  
弱爲中暈用白虎湯胃實用承氣湯傷寒先服黃龍湯  
不分男女但妊娠用藥宜清涼不可輕用桂枝半夏桃



仁朴硝等類凡用藥病稍退則止不可盡劑此爲大法  
愚按前症當宗仲景先生治法但胎前產後須以安  
胎補益爲主須臨症審之

黃龍湯即小柴胡湯去半夏

桂枝紅花湯 治傷寒發熱口燥舌乾經脈不來

桂枝 芍藥 甘草 炒各一錢 紅花 二錢

右薑棗水煎服良久再進汗出可解

黃芩芍藥湯 治婦人內熱口燥咽乾腹滿不食

黃芩

炒

芍藥

酒炒

白朮

各一錢

熟地黄

自製一錢

右水煎寒加生薑

當歸湯

治傷寒喘急煩燥或戰而作寒此陰陽俱虛

不可下宜服此藥

柴胡

錢一

白朮

分七

人參

甘草

赤芍藥

當歸

各五分

五味子

并炒

木通

各三分

右水薑棗煎

瀉心三黃湯

治傷寒六七日內有燥屎大便秘結譫

語目赤毒氣閉塞

大黃

煨

黃芩

炒

黃連

炒

各一錢

右水煎服取微利如目赤睛疼加赤茯苓竹葉

燒裨散 治女子病新瘥與男子交者名曰陰易其症

則裡急膀胱痛頭重不舉目中生花或頭面烘熱耳中

蟬鳴胸中煩悶甚者百節解散用男子舊裨襠着左

腹者剪取一塊燒灰每日三服白湯下男子病則以

女人者如不應用參附湯

婦人熱入血室方論第十

婦人傷寒傷風發熱經水適來晝則安靜暮則譫語有如瘧狀此爲熱入血室治者無犯胃氣及上二焦宜服小柴胡湯若脉遲身涼當刺期門穴下針病人五吸停針良久徐徐出針凡針期門穴必瀉勿補肥人二寸瘦人寸半也

愚按前症若因勞役或怒氣發熱適遇經行而患前症者亦用小柴胡加生地黃治之血虛用四物加柴

胡若病既愈而熱未已或元氣素弱並用補中益氣湯脾氣素鬱用濟生歸脾湯血氣素虛用十全大補湯

附治驗

一婦人經行感冒風邪晝則安靜夜則譫語此熱入血室也用小柴胡加生地治之頓安但內熱頭暈用補中益氣加蔓荊子而愈後因怒惱寒熱譫語胸脇脹痛小便頻數月經先期此肝火血熱妄行用加味

逍遙加生地黃而愈

一婦人因怒寒熱頭痛譫語妄言至夜益甚月經暴至此怒動肝火用加味逍遙散加生地黃治之神思頓清又用補中益氣湯而痊

一婦人經行感冒譫語或用發散寒涼之劑前症益甚月經不止肚腹作痛嘔吐不食痰涎自出此熱入血室而藥復傷胃也用香砂六君及歸脾而痊

乾薑柴胡湯 治婦人傷寒經脈方來熱入血室寒熱

如瘧或狂言見鬼

柴胡

錢一

桂枝

分三

括蕒根

分五

牡蠣

煨

乾薑

炮

甘草

各炒

分二

右水煎汗出而愈

海蛤散

治婦人傷寒血結胸膈宜服此藥及針期門

穴

海蛤

滑石

煨

水

甘草

各二

芒硝

一

兩

右爲末每服二錢用鷄子清調下小腸通利其結血

自散更用桂枝紅花湯發其汗則愈

方見前

附方

小柴胡湯

方見二十四卷第二論

四物湯

香砂六君子湯

補中益氣湯

三方見二十四卷第六論

歸脾湯

十全大補湯



加味逍遙散

三方見二十四卷第四論

婦人咳嗽方論第十一

夫肺爲四臟之華蓋內統諸經之氣外司腠理皮毛若外邪入於肺中故令咳嗽當以脈息辨之浮而弦者起於風濡而弱者起於濕洪而數者起於熱遲而澁者起於寒風者散之濕者燥之熱者涼之寒者溫之虛者補之

愚按丹溪云春是木氣上升夏是火氣炎上秋是濕

熱傷肺冬是風寒外來當發散行痰開腠理用二陳  
湯加麻黃桔梗杏仁痰飲隨症加藥勞嗽宜四物加  
竹瀝薑汁乾咳嗽難治此症乃痰鬱火邪也用苦梗  
開之夏用補陰降火不已則成勞上半日多嗽者胃  
火也用貝母石膏午後嗽者陰虛也用四物加炒黑  
黃栢知母黃昏嗽者火氣浮於肺也用五味子五倍  
子五更嗽者飲食之火流於肺也以貝母軟石膏肺  
脹而嗽或左或右不得眠此痰挾瘀血氣滯而病宜

養血疎肝清痰用四物加桃仁訶子青皮竹瀝之類  
嗽而脇下痛宜疏肝氣以青皮挾痰實者白芥子之  
類血礙氣作嗽者桃仁大黃薑汁丸服治嗽多用生  
薑以其辛散故也痰因火動逆上作嗽者先治火次  
治痰以知母止嗽清肺滋陰降火夜嗽用清陰分之  
劑若嗽多用粟殼不必疑但要去病根此乃收後藥  
也竊謂前症午前嗽屬胃火盛用竹葉石膏湯胃氣  
虛用補中益氣加炒山梔午後嗽屬陰血虛用四物

黃柏知母二味酒拌炒黑腎水虛用六味地黄丸黃  
昏嗽用四物五味麥門并前九五更嗽用六君子不  
得眠及內脹而痛用六味地黄補中益氣若因氣虛  
腠理不密六淫所浸當去外邪而實脾土若因心火  
太過當伐肝木而滋肺金若因肺金氣虛當補脾土  
而生肺氣若因腎水虧損虛火炎上當補肺腎以滋  
化源大抵風邪胃火此實熱爲患易治惟肺腎虧損  
此真臟爲患最難調治

附治驗

一婦人素勤苦冬初咳嗽發熱吐血盜汗遍身作痛  
或寒熱往來用化痰降火之藥口噤筋攣此血本虛  
而藥復損之耳余用八味丸爲主佐以補中益氣麥  
門五味山藥年餘而痊

一婦人咳嗽發熱嘔吐痰涎日夜約五六碗喘咳胸  
痞燥渴不食崩血如湧此脾土虛寒用八味丸及附

子理中湯而愈

全見女  
科撮要

一婦人不得於姑患嗽胸膈不利飲食無味此脾肺俱傷痰鬱於中也先用歸脾湯加山梔撫芎貝母桔梗諸症漸愈後以六君加芎歸桔梗間服全愈

一婦人咳嗽早間吐痰甚多夜間喘急不寐余謂早間多痰乃脾虛飲食所化夜間喘急乃肺虛陰火上衝用補中益氣加麥門五味而愈

一婦人患咳嗽脇痛發熱日晡益甚余曰此肝脾虛熱而傷肺也用加味逍遙散加熟地治之而愈後因

怒氣勞役前症仍作兼太陽痛或寒熱往來或咳嗽遺尿此肺氣虛而尿管失制也仍用前散及地黃丸而瘥

一婦人久咳嗽而色痿黃或時晄白肢體倦怠飲食少思稍多則瀉此脾土虛而不能生肺金朝用補中益氣湯夕用六君子湯爲主間佐以八珍湯三月餘漸愈後感寒邪咳嗽胸腹作脹飲食不入四肢逆冷此中氣尚虛不能充皮毛肥腠理司開闔之所致也

遂用六君加生薑桔梗而愈

附方

法製清氣化痰丸 順氣快脾化痰消食

半夏

南星

去皮尖

白礬

皂角

乾薑

各四兩

右先將白礬等三味用水五碗煎取水三碗却入半

夏二味浸二日再煮至半夏南星無白點爲度晒乾

陳皮

青皮

紫蘇子

蘿蔔子

炒另研

杏仁

去皮尖炒

研葛根

神麴

炒

麥蘖

炒

山查子

香附子



右爲末蒸餅九桐子大每服五七十九臨卧茶湯任

下

茯苓湯 治胸中有痰飲吐水心胸虛滿不能進食

茯苓

人參

白朮

炒各三兩

枳實

炒二兩

橘皮

二兩半

生

薑

四兩

右用水六升煮取二升分三服

加減小柴胡湯 治咳嗽寒熱往來

柴胡

半夏

黃芩

炒各一錢

甘草

炒

乾薑

炮各五分

五味

炒杵  
三分

右水煎服

黃連解毒湯 治一切實火喘咳脉洪大或狂言煩躁

口乾飲冷喘急鄭聲目睛赤痛

黃連 黃芩 梔子 黃柏

各二錢

右水煎服

梔子仁湯 治喘咳發熱潮熱發狂煩躁面赤咽痛

梔子仁 赤芍藥 大青 知母

各一錢

升麻

黃

苓 石膏 甘草 杏仁 各二錢 柴胡 二錢五分 豆豉 百粒

右水煎服

麥門冬湯 治火熱乘肺咳嗽有血胸脇脹滿五心煩

熱

麥門冬 心去 桑白皮 炒 生地黃 各一錢 半夏 紫苑

桔梗 淡竹葉 麻黃 各七分 五味子 擘 甘草 各五分

右薑水煎服

二陳湯

方見二十四卷第六論

竹葉石膏湯

方見十三卷第十論

補中益氣湯

四物湯

六君子湯

三方見二十卷第六論

六味丸

八味丸

二方見二十四卷第十一論

附子理中湯

方見二十卷第八論

歸脾湯

加味逍遙散

八珍湯

三方見二十四卷第四論

咳嗽用溫藥方論第十二

初虞世

經曰微寒爲嗽寒甚爲腸澼古人立方多用乾薑桂心  
細辛之屬若熱在上焦而咳虛則爲肺痿實則爲肺癰  
或因氣血不足或因酒色厚味或因重亡津液燥氣焚  
金故脉數發熱咳嗽膿血宜辛溫建中之屬若用柴胡  
鼈甲門冬葶藶等藥則誤矣

愚按丹溪云陰分嗽者多屬陰虛肺脹不得眠者難  
治肺痿專主補氣養血清金肺氣有餘者宜瀉之以  
桑白皮爲主半夏茯苓佐之瀉其有餘補其不足肺  
燥者當潤之屬熱者桔梗大力子知母鷄子清聲啞  
者屬寒細辛半夏生薑肺虛者人參膏阿膠爲主陰  
不足者六味地黃爲要藥或知母茯苓湯陰虛氣喘  
四物加陳皮甘草以降其氣補其陰竊謂前症嗽而  
鼻塞聲重風邪傷肺也用參蘇飲面赤喘嗽火尅肺

也人參平肺散寒熱交作肝氣不和也四君加知母  
柴胡桔梗咳喘短氣肺虛也人參補肺湯體倦少食  
脾虛也參朮補脾湯口乾咽燥虛火上炎也六味丸  
大凡發熱喘嗽或咳唾膿血飲食不入急補脾肺滋  
腎水多有得生者脉浮大而面色赤者皆難治脉浮  
短澇者可療

參蘇飲 治外感風寒咳嗽氣逆血蘊上焦發熱氣促  
或咳血衄血或痰嗽不止加黃芩山梔名加味參蘇

飲

人參

紫蘇

葉去梗

半夏

姜汁拌炒

茯苓

陳皮

桔梗

葛根

前胡

枳殼

麩炒各一錢

甘草

炙五分

右薑水煎服

金沸草散

治肺經受風頭目昏疼咳嗽聲重涕唾稠

粘

荆芥穗

錢一前胡

麻黃

旋覆花

各七分

甘草

炙赤

芍藥

半夏

各五分



右生薑棗水煎服

定喘湯 治痰喘胸滿坐卧不安聲重鼻塞頭昏

半夏麩 明阿膠炒 甘草炒 罌粟殼一錢 五味

子炒 桑白皮炒 麻黃去節 人參各三分

右薑三片烏梅半箇水煎臨卧服

金不換正氣散 治肺胃虛弱咳嗽不已喘滿涎盛

杏仁製 甘草 枳殼各五分 罌粟殼一錢

右生薑烏梅水煎

錄驗橘皮湯 治肺傷冷濕咳嗽喉中作聲上氣頭痛

陳皮 紫苑 麻黃 杏仁製 當歸各一錢 桂心

甘草炒 黃芩各五分炒

右水煎

華蓋散 治肺感寒和咳嗽聲重胸膈煩滿頭目昏眩

蘇子炒 陳皮 赤茯苓 桑白皮炒 麻黃各一錢 甘

草五分

右薑水煎服

千金五味子湯 治咳嗽皮膚乾燥唾中有血胸脇疼

痛

五味子

料 炒

桔梗

炒

紫苑

甘草

炒

續斷

各一錢

竹茹

三錢赤小豆

一撮

生地黄

桑白皮

各五錢

右水煎服

知母茯苓湯 治咳嗽不已往來寒熱自汗喘促或肺

痿

知母 茯苓

各一兩

五味子

料

人參

薄荷

半夏

柴胡 白朮 欬花 桔梗 麥門冬去心 黃芩

炒各  
五錢

川芎

阿膠

甘草

炙各  
三錢

右每服一兩薑水煎

小青龍湯 治肺感寒咳嗽喘息加杏仁煎有汗去麻

黃細辛發熱頭疼脈沉細或嘔或欬或利或噎或小

便不利小腹滿脹喘嗽之聖藥

瀉白散

桔梗湯

人參平肺散

人參補肺湯

參朮補脾湯

五方見二十四卷第十二論

六味丸

方見二十四卷第十一論

四物湯

四君子湯

二方見二十四卷第六論

勞嗽方論第十三

經曰感於寒微則爲咳甚則爲泄蓋肺主氣合於皮毛

邪傷皮毛則咳爲肺病傳於各臟以時受邪肺爲嫩臟  
邪易傷而難治其嗽有肺心脾腎肝風寒支飲膽之十  
種亦有勞嗽者華陀謂之邪嗽孫真人謂之注嗽此因  
酒色過度勞傷肺經重者咯唾膿血輕者時發時瘥或  
先嘔血而後嗽或先咳嗽而吐血此又挾邪傳疰孫真  
人用通氣丸夢與鬼交用四滿丸蛤蚧天靈蓋桃柳枝  
安息香之類若肺中有蟲入喉痒嗽須以藥含化其蟲  
即死嗽即止

愚按仲景先生云咳而兩脇痛不能轉側兩胛滿屬於  
肝臟用小柴胡湯咳而嘔苦水屬膽腑黃芩半夏生  
薑湯咳而喉中如梗狀甚則咽腫喉閉屬心臟桔梗  
湯咳而大便失氣屬小腸腑芍藥甘草湯咳而右胛  
痛陰引肩背甚則不可動動則咳劇屬脾臟升麻湯  
咳而嘔嘔甚則出長蟲屬胃腑烏梅丸咳而喘息有  
聲甚則唾血屬肺臟升麻湯咳而失尿屬大腸肺麻  
黃附子細辛湯咳而遺溺屬膀胱茯苓半夏湯咳而

不止三焦受之其狀腹滿不食涕唾面目浮腫氣逆  
異功散用之對証其效如神仍參五卷看

附治驗

一婦人患前症晡熱內熱寒熱往來作渴盜汗小便  
頻數其經兩三月一行此肝脾氣血虛損用八珍湯  
六味丸各六十餘劑諸症漸愈其經兩月一行仍用  
前二藥間以加味逍遙散各三十餘劑後恚怒適經  
行去血過多諸症悉至飲食少思腹脹氣促用十全



大補湯數服漸愈仍用前藥調補漸愈復因喪子胸腹不利食少內熱盜汗便血無寐用加味歸脾湯仍兼前藥而愈

一婦人患前症不時發熱或時寒熱或用清熱之劑其熱益甚盜汗口乾兩足如炙遍身皆熱昏憤如醉良久熱止方甦或晡熱至旦方止此陰血虛而陽氣弱也余朝用六味丸料夕用十全大補湯月餘諸症稍愈更兼以補中益氣湯兩月餘而愈

深師四滿丸 治上氣嗽飲嗽燥嗽冷嗽邪嗽謂之五

嗽

乾薑炮 桂心 躑躅花 芎藭 紫苑各二兩 芫花

根皮分二 蜈蚣頭一枝去炙 細辛 甘草炙 鬼督郵 人

參 半夏洗各一兩

右為末煉蜜丸大豆許每服五丸米飲下日三服未

應加至七八丸

溫金散 治勞嗽喘悶咯痰中有血方見前勞瘵類

阿膠丸

治勞嗽并嗽血咯血

方見前勞瘵類下補遺

團魚丸

治骨蒸勞嗽累効

貝母

前胡

知母

杏仁

柴胡

各等分

生團魚

二箇

右藥與魚同煮熟取肉連汁食之將藥焙乾爲末用骨更煮汁一盞和藥丸梧子大每服二十九煎黃芪六一湯空心送下病既安仍服黃芪六一湯調理

附方

地骨皮散

知母

炒

柴胡

甘草

炒

人參

地骨皮

茯苓

半夏

姜製各一錢

右薑水煎服

海藏紫苑散

治咳中有血虛勞肺痿

人參

紫苑

知母

炒

貝母

桔梗

炒

茯苓

阿

膠

炒各一錢

五味子

并三分

甘草

炙五分

右薑水煎服

參朮調中湯 瀉熱補氣止嗽定喘和脾胃進飲食

黃芪

分四

桑白皮

分五

人參

炙甘草

青皮

白朮

苓

白朮

各三分

五味子

各五分

地骨皮

麥門冬

陳皮

各五分

右水煎服

二陳湯

治脾胃虛弱中脘停痰或嘔吐惡心或頭目

不清飲食少思

方見二十四卷第五論

異功散

方見二十四卷第五論

六味丸

方見二十四卷第十一論

八珍湯

加味逍遙散

十全大補湯

加味歸脾湯

四方見二十四卷第四論

補中益氣湯

方見二十四卷第六論

喘滿方論第十四

岐伯曰夜行則喘出於腎淫氣病肺有所墮恐喘出於

肝淫氣害脾有所驚恐喘出於肺淫氣傷心度水跌仆  
喘出於腎與骨皆因外邪所感而致太陽病則脉浮無  
汗而喘用麻黃湯陽明病則汗出腹滿喘而潮熱承氣  
湯表邪未解喘促汗出葛根黃芩湯微喘桂枝厚朴杏  
仁湯汗出而喘麻黃杏仁甘草石膏湯表邪未解小青  
龍湯去麻黃加杏仁感寒伏熱而喘九寶湯氣鬱痰盛  
喘促四七湯涎多而喘千緡湯不得卧而喘神秘湯寒  
熱喘咳棗膏丸上氣喘促神授湯上盛下弱吞黑錫丹

若四肢逆冷脉息沉細或寸或尺小胸脹冷汗大便頻數上氣喘促此虛極挾寒之陰症急用返陰丹

愚按東垣云肺金受邪由脾胃虛弱不能生肺乃所生受病故咳嗽氣短氣上皮毛不能禦寒精神少而渴情慘不樂皆陽氣不足陰氣有餘也治法若肺氣虛弱用四君枳殼半夏脾虛不能生肺補中益氣湯七情氣結四七湯脾經鬱結歸脾湯脾氣虛弱人參補肺散肺經火盛人參平肺散腎水敗濁六味丸真



陽虛損八味丸或兼小便不利爲害尤速非二九不能救仍與前十一十二論互用

附治驗

一婦人傷風寒作喘或用表散愈而復患仍用前藥其症益甚飲食少思胸腹不利此因脾肺氣虛也子先用六君子湯加桔梗漸愈又用補中益氣湯全愈一婦人患前症屬命門火虛不能生脾土用補中益氣湯八味地黄丸而痊後復患其喘益甚用前藥不

金匱要略卷第三十  
應遂用黑錫丹二服喘止仍用前二藥而諸症痊凡  
屬邪氣有餘者其症易識治效亦速其屬元氣不足  
者變症不一效非可以旦夕期也

神秘湯

治水氣乘肺作喘或支飲喘滿痰嗽不食

陳皮

去白

紫蘇葉

人參

桑白皮

生薑

各一錢

右水煎服

千緡湯

半夏

七枚  
炮製

甘草

炙一寸

生薑

如指大

皂角

去皮尖  
弦一寸

右薑水煎服

棗膏丸 治息賁在右脇下大如杯令人灑淅寒熱喘

咳

甜葶藶

炒研

陳皮

苦梗

各等分

右為末煮棗肉丸桐子大每服數丸白湯下許學士云余常停飲水積食已必噎漸喘覺肺系急服此良

驗

神授湯 治上氣喘急不得卧

橘紅 苦梗

紫蘇

人參

各一錢

五味子

杵炒三分

右薑水煎服

九寶湯

治伏熱咳嗽喘急虛勞自汗者不可服

薄荷

紫蘇

大腹皮

洗

甘草

炒

杏仁

去皮 陳皮

各一錢

右薑十片烏梅一箇水煎

四磨湯

治七情鬱結上氣喘急滿悶痰涎上湧

人參

檳榔

沉香

烏藥

右四味各濃磨白沸湯少許溫服

五味子湯 治咳嗽皮膚乾燥唾中有血胸脇疼痛

五味子

林

桔梗

炒

紫苑

甘草

炒

續斷

各五

竹茹

錢一

赤小豆

撮一

生地黃

錢二

桑白皮

炒二

錢

右水煎服

附方

六君子湯

四君子湯

補中益氣湯

三方見二十四卷第六論

四七湯

方見十一卷第七論

歸脾湯

方見二十四卷第四論

人參補脾散

人參平肺散

二方見二十四卷第六論

六味丸

八味丸

二方見二十四卷第十一論

黑錫丹

方見四卷第四論

婦人風痰積飲咳嗽方論第十五

婦人脾胃虛弱風邪外侵以致痰滯咳嗽眼昏頭眩經云九竅不利腸胃之所生也無擇云凡屬風熱三生飲化痰丸屬寒冷金沸草散屬暑熱消暑丸屬氣鬱四七湯在上瓜蒂散吐之在下控涎丹利之仍觀人之勇怯脉之虛實

愚按前症若肝經恚怒用小柴胡湯肝經風熱用釣藤散肝腎氣虛用川芎散脾經鬱結用濟生歸脾湯

鬱怒傷肝脾用加味道遙散脾虛痰逆用白朮半夏  
天麻湯脾氣虛弱用六君子益氣湯肺氣鬱滯用二  
陳貝母桔梗陰虧水泛六味地黄腎虛陰火加減八  
味丸腎虛火不歸源八味地黄丸仍與前按互相用  
之

附治驗

一婦人內熱口乾勞則頭暈吐痰帶下或用化痰理  
氣藥前症益甚肢體或麻又用祛風化痰藥肢體常



麻手足或冷或熱此脾土不能生肺金也余用補中  
益氣加茯苓半夏炮薑二十餘劑漸愈又用加味道  
遙散三十餘劑全愈後因怒吐痰胸痞或用清氣化  
痰丸食少痰甚胸脇脹滿脉或浮大或微細余以六  
君倍用參朮少加木香而康

一婦人咳嗽脇痛或用止嗽化痰降火等藥久不愈  
更加內熱晡熱若兩脇或小腹內熱其咳益甚小便  
自遺余曰此屬肝經血虛火動用六味丸加五味子

滋腎水以生肝血用補中益氣生脾土以滋肺金而

尋愈

旋覆花湯 治風痰嘔逆飲食不下頭目昏悶等症

旋覆花 枇杷葉 川芎 細辛 赤茯苓

各一錢

前胡

一錢五分

右水薑棗煎

大半夏湯 治痰飲脾胃不和咳嗽嘔吐飲食不入

半夏 白茯苓 生薑

各二錢

右薑水煎服胃痞加陳皮如不應四七湯亦善

導痰湯 治痰涎壅盛胸膈痞塞或咳嗽惡心飲食少

思

半夏

二錢

南星

枳實

麩炒

茯苓

橘紅

一錢

甘草

五分

右薑十片水煎

附方

川芎散 治肝腎氣虛頭風眩暈

小川芎 山藥 白茯苓 甘菊花 人參

各五錢

山茱萸肉一兩

右每服一兩食前空心水煎服或為末酒調日三服

小柴胡湯方見二十四卷第二論

釣藤散方見四卷第四論

歸脾湯

加味道遙散二方見二十四卷第五論

白朮半夏天麻湯方見四卷第五論

六君子湯

補中益氣湯 二方見二十四卷第六論

二陳湯 方見後

六味丸

八味丸 三方見二十四卷第十一論

婦人心胃嘈雜方論第十六

婦人嘈雜此脾胃鬱火亡其津液淚汗而成用猪血炒食之乃以血導血而使之歸源爾旋覆花湯尤善

愚按前症若因食鬱用六君山查山梔若因胃熱用

二陳薑炒芩連若因六鬱用越鞠丸若因氣滯用四  
七湯桔梗枳殼大抵此症屬病氣元氣俱不足須用  
六君爲主少佐以治痰之藥若以火治之必變吞酸  
中滿

附治驗

一婦人飲食少思胸中嘈雜頭暈吐痰此中氣虛而  
有熱用六君子湯加炒黑山梔桔梗而愈後因勞碌  
頭暈發熱吐痰不食用補中益氣加半夏茯苓天麻

而痊

一婦人中脘嘈雜口中辛辣或咳嗽吐痰發喘面色或白或赤此脾氣虛而肺中伏火也用六君子加山梔桔梗柴胡及炒黑片苓治之尋愈

一婦人嘈雜吞酸飲食少思大便不實此脾氣虛寒而下陷用補中益氣湯加茯苓半夏炮薑漸愈又常服人參理中丸則安

一婦人飲食後嘈雜吞酸此食鬱爲痰用六君子湯

送越鞠丸漸愈又用加味歸脾湯而痊後因怒兩脇  
脹痛中脘作酸用四君湯送左金丸漸安仍用六君  
子湯送越鞠丸而痊

旋覆花湯 治脾胃虛寒中脘停痰汪洋嘈雜腸鳴多  
睡嘔吐不食脇肋脹痛脉沉遲弦細

旋覆花 細辛 橘紅 桂心 人參 甘草炒

苦梗 白芍藥 半夏 各五分 赤茯苓 三分

右薑水煎服



余治婦人心胸嘈雜用茯苓補心湯治之而愈

方見前

附方

補中益氣湯

四君子湯

六君子湯 三方見二十四卷第六論

二陳湯 方見二十四卷第五論

越鞠丸 方見前第七論

四七湯 方見十卷第七論

歸脾湯

方見二十四卷第四論

人參理中湯

方見二十卷第八論



薛氏醫案卷三十

欽定四庫全書

子部

薛氏醫案卷三十一

詳校官太醫院八品吏目黃發

編修臣倉聖脈覆勘

總校官原任中允臣王燕緒

校對官助教臣卜維吉

謄錄監生臣繆瀛

欽定四庫全書

薛氏醫案卷三十一

明薛己訂

婦人良方

婦人嘔吐方論第一

婦人嘔吐良由脾胃不調外邪乘之或胃中虛冷或胃  
口有熱或中脘停痰或胃經血弱治法胃冷者丁香散  
理中丸胃熱者小柴胡湯竹茹湯胃虛者藿香正氣散

停痰者半夏茯苓湯二陳湯血虛者十全大補湯加陳皮半夏藿香

愚按東垣先生云前症內有故寒與新穀俱入於胃新故真邪相攻氣併相逆復出於胃故爲噦補手太陰瀉足少陰又云胃因氣逆爲噦夫嘔吐噦者俱屬於胃以其氣血多少爲異耳如嘔者陽明也陽明多血多氣故有聲有物血氣俱病也仲景云嘔多雖有陽明症慎不可下孫真人云嘔家多服生薑爲嘔家

之聖藥也氣逆者必散之故以生薑為主吐者太陽也太陽多血少氣故有物無聲為血病也有食入則吐以橘皮去白主之噦者少陽也多氣少血故有聲無物乃氣病也以薑製半夏為主若脾胃虛弱寒邪所客飲食所傷者用六君丁香藿香生薑之類若胃中有熱膈上有痰用二陳山梔黃連生薑若久病胃虛嘔而不納穀者用生薑參朮黃芪香附之類亦有痰膈中焦食不得下者有氣逆而嘔者有氣鬱於胃

金匱要略卷三十一  
口者有食滯於心肺之分而復出者有胃口有火與  
痰而嘔者若注船大吐渴飲水者即死童便飲之最  
妙前論云血不歸源而嘔用十全大補湯誠發前人  
之未發愚常用屢效此論與王安道先生源迴集所  
論少異仍宜參看之

附治驗

太守陽山之內素善怒胸膈不利吐痰甚多吞酸噯  
腐飲食少思手足發熱數年矣所服非芩連枳實必

檳蘇厚朴左關弦洪右關弦數此肝火血燥木乘土  
位朝用六味地黄丸以滋養肝木夕用六君歸芍以  
調補脾土而愈乙巳夏因大怒吞酸噯腐胸腹脹滿  
或用二陳石膏治之吐痰如湧外熱如灼脉洪大按  
之如無余曰此脾胃虧損虛陽發越於外脾敗而涎  
泛出也用六君加薑桂一鍾即睡覺而諸症如失又  
數劑而康

先太宜人飲食後聞外言忤意嘔吐酸水內熱作渴



惟飲冷水氣口脉大而無倫面色青赤此肝脾鬱火  
投之以藥入口即吐第三日吐宿食第七日吐酸黃  
水十一日吐苦水脉亦洪大仍喜飲冷以黃連煎湯  
冷飲少許至二十日加白朮茯苓二十五日加陳皮  
三十七日加當歸炙草至六十日始進米飲半盞漸  
進薄粥調理得痊

一婦人食後因怒患瘧嘔吐用藿香正氣散而愈後  
復怒吐痰狂言熱熾胸脇脹痛手按少得脉洪大無

倫按之微細此屬肝脾二經血虛以加味逍遙散加  
熟地川芎二劑脉症頓退再用十全大補湯而安矣  
府庠沈姬文母患脾虛中滿痰嗽發熱又食濕麪冷  
茶吞酸嘔吐絕食誤服苓蓮青皮等藥益加寒熱口  
乾流涎不收聞食則嘔數日矣迎治余曰脾主涎此  
脾虛不能約制也欲用人參安胃散惑於衆論以爲  
胃經實火宿食治之病日增劇忽思冬瓜食如指甲  
一塊頓發嘔吐酸水不止仍服前藥愈劇復邀視之

則神脫脉絕瀕死矣惟目睛尚動余曰寒淫于內治以辛熱然藥不能下矣急用鹽艾附子炒熱熨臍腹以散寒回陽又以口氣補接母口之氣又以附子作餅熱貼臍間時許神氣少甦以參朮附子爲末仍以是藥加陳皮煎膏爲丸如粟米大入五七粒于口隨津液嚥下即不嘔二日後加至十粒諸病少退甘液不止五日後漸服前劑一二匙胃氣少復乃思粥飲後投以參朮等藥溫補脾胃五十餘劑而愈

丁香散 治脾胃氣弱嘔吐水穀不消

丁香 白朮 縮砂 草菓各三錢 人參一兩 當歸

白芷 藿香 甘草各半兩炒 橘皮三分 神麩炒 呵子

各半兩

右為末每服二錢薑棗湯調

竹茹湯 治胃熱嘔吐

乾葛二錢 半夏薑製三錢 甘草五分 竹茹一大子

右薑棗水煎服

許學士先生云胃熱者手足心熱也政和中一宗人  
病傷寒得汗身涼數日忽嘔吐藥食不下用丁香藿  
香滑石等藥下咽即吐余曰此正汗後餘熱留胃腕  
正宜竹茹湯用之即愈

許仁則半夏丸 治胃冷嘔逆不食

半夏洗去滑小麥麵一斤

右水和丸如彈子大水煮熟初服四五丸二服加至  
十四五丸旋煮間服

七味人參丸 服前丸不應可服此藥

人參

白朮

各五兩

厚朴

薑製

細辛

各四兩

生薑

橘皮

三桂

心二兩

右爲末煉蜜丸桐子大米飲下十九漸加至二十九

青金丸 治嘔吐不已

硫黃

二錢

水銀

一錢

右入銚內慢火化以木片撥炒成砂研至黑不見白

星薑汁糊丸棗豆大每服二三十九米飲下

附方

人參安胃散 治脾胃虛熱嘔吐泄瀉或飲食不入

人參

錢一 黃芪

錢炒二

生甘草

炙甘草

各五分

白芍藥

七分 白茯苓

分四 陳皮

分三 黃連

炒

右水煎服

六君子湯

方見二十四卷第六論

加味逍遙散

十全大補湯

二方見二十四卷第四論

六味丸

方見二十四卷第十一論

藿香正氣散

方見二十一卷第九論

婦人霍亂方論第二

論曰嘔吐而利者名霍亂也因腸胃虛弱飲食過度觸冒風冷清濁相干所致或先腹痛而吐或先吐而痛或吐利並作當分寒熱而治之飲冷者五苓散飲湯者理中丸四肢逆冷脉微細者用通脉四逆湯加猪膽汁中暑霍亂煩渴飲冷轉筋者用香薷散脉浮洪者易治微



遲者難治

愚按賈元良先生云暑者相火行令也夏月人感之  
自口齒而入傷心胞絡之經其症頭疼口乾面垢自  
汗倦怠少氣或背寒惡熱甚者迷悶不省或霍亂吐  
利嘔痰腹痛或下血發黃生斑等症治法清心火利  
小便爲主若自汗熱甚用白虎湯若頭疼惡寒用十  
味香薷散泄瀉煩渴飲水吐逆用五苓散熱甚煩渴  
用益元散清之若表解裏熱甚者用黃連解毒湯

脉微下利作渴喜温或厥冷不省人事宜竹葉石膏湯加熟附半枚冷飲次以來復丹五苓散治之故東垣云脾胃虛弱遇夏月淫雨身重短氣甚則四肢痿軟脚軟眼黑當滋肺氣以補水之源是以五月常服五味子人參麥門冬之劑爲熱傷元氣故耳丹溪所謂夏月伏陰在內也蓋人之腹屬地巳月六陽盡出於地之上矣是人之陽氣亦浮于肌表散于皮毛而腹中之陽虛矣又加以涼臺水館大扇風車寒泉水

菓冰涼之物自內及外不用溫熱病所由生陳無擇  
云凡中暍切不得用冷藥惟用溫養得冷即死道途  
無湯即以熱土熨臍中溺以熱尿即甦槩可見矣內  
經曰脈虛身熱得之傷暑難經曰傷暑得之爲正邪  
火自病也當惡臭其病身熱而煩心痛其脈浮大而  
散傷寒論曰太陽中暍者身熱疼痛而脈微弱或發  
熱惡寒而脈微細芤遲大抵寒傷形熱傷氣蓋傷氣  
而不傷形則氣消而脈虛弱故先哲立法夏月宜補

良有以也前症若內有所積外有所感用二陳加減  
治之或蘿蔔子搗碎服而吐之若飲米湯即死云云  
同前論若轉筋不住男子以手挽陰女子以手牽乳  
近兩邊此千金妙法也乾霍亂不得升降死在須臾  
當以鹽湯吐之後以二陳湯加川芎蒼朮防風白芷  
薑煎服若登圜而不通加枳殼若食瓜菓飲冷乘風  
霍亂用六和湯倍加藿香凡中暑而亡者皆因元氣  
虛弱而暑熱乘之以致泄瀉陽氣暴脫實爲陰寒之

症宜急補其陽庶得保生緩則不救其他執爲暑熱  
投以寒藥鮮不誤事愚故以回陽固本之方繼之於  
後

附治驗

進士李通甫之內冬間開衣箱其內衣裳乃夏月所  
晒者開時覺暑氣所侵良久患霍亂足指足跟俱轉  
筋甚惡自分必死用香薷飲一劑急煎下咽即愈

加減理中丸 治肚腹疼痛手足逆冷飲食不入等症

人參 白朮 乾薑 甘草

各等分

右爲末煉蜜杵勻每兩作五丸每服一九白湯化下  
嘔吐加枳實泄瀉加乾薑吐瀉乾嘔加半夏體冷微  
汗腹寒加炮附子水煎服

四順附子湯 治霍亂吐利腹痛手足厥冷脉微絕

方

見八卷第十一論

四逆湯加猪膽汁名四逆猪膽汁湯

甘草

二兩

乾薑

三兩

附子

一枚

生

右每服五錢水煎入猪膽汁半合作二服

香薷散 治吐利腹疼發熱頭痛或霍亂轉筋拘急

香薷

二錢

白扁豆

厚朴

姜製

茯苓

各一錢

右水煎冷服連進二三劑加黃連名黃連香薷飲

附方

十味香薷散 治伏暑身體倦怠頭疼惡寒或吐瀉等

症

香薷

一人兩

陳皮

白朮

炒

茯苓

黃芪

炒

木

瓜不犯鐵器厚朴姜製甘草炒各半兩

右每服一兩水煎

清暑益氣湯 治長夏濕熱所蒸四肢困倦精神短少  
懶於動作胸滿氣促支節作疼或氣高而喘身熱而  
煩心下膨悶小便黃數大便溏頻或瀉痢作渴不思  
飲食自汗體重

黃芪炒蒼朮 升麻各一錢人參 白朮 神麩炒

陳皮各五分甘草炙黃柏炒麥門冬去心當歸各三錢葛



根

分二澤瀉

分五

青皮

分二

五味子

九粒  
炒拌

右水煎服

白虎湯

治胃熱作渴暑熱尤効又治熱厥腹滿身難轉側面垢譫語不時遺溺手足厥冷自汗脉沉滑

知母

石膏

各三錢

粳米

半合

右水煎服

人參白虎湯

治暑熱發渴脉虛等症

人參

一錢五分

知母

二錢

石膏

半兩

甘草

一錢

右入粳米一合水煎服

人參益氣湯 治暑熱傷氣四肢困倦嗜卧少食兩手

指麻木

黃芪

錢炒八

甘草

錢內  
炙一錢

人參

兩半

升麻

錢二

白芍藥

錢三炒

錢

五味

百四十  
箇并炒

柴胡

二錢  
半

右以咀分作四服

大順散 治胃暑伏熱引飲過多脾胃受濕水穀不分

清濁相干陰陽氣逆霍亂嘔吐臟腑不調

甘草

炒

乾薑

炮

杏仁

去皮炒

桂皮

去

右爲末每服二三錢湯點服

消暑丸

治傷暑發熱頭疼或嘔吐泄瀉二便不分

半夏

甘草

炒

茯苓

各半斤

右爲末生薑汁和丸桐子大每五十九水下易簡方

薑汁好醋煮半夏末作糊丸服

薑附湯

治霍亂轉筋手足厥冷汗出嘔逆腹痛脉欲

絕者

乾薑

炮一兩

附子

一兩  
生用

右爲末每服五錢水煎服

通脈四逆湯

治霍亂惡寒腹痛身冷自汗脈沉微如欲絕

吳茱萸

二兩  
炒

附子

炮一兩

桂心

通草

細辛  
白

芍藥

炒

甘草

炙各  
半兩

當歸

三錢

右每服四錢水酒生薑煎如不應更加倍服之以効爲度

半夏解毒湯 治一切暑熱毒五心煩躁口舌咽乾

黃栢炒 黃芩炒 山梔子炒 半夏等分

右每服五錢水煎

六和湯 治胃暑伏熱煩悶霍亂轉筋吐瀉寒熱交作

頭目昏痛嗜卧倦怠小便赤澁不問胎產並服之

縮砂 半夏湯炮七次 杏仁去皮尖 人參 甘草炙各一兩 赤

茯苓 藿香 木瓜各二兩 香薷 厚朴姜製 白扁豆

姜汁畧炒  
各四兩

右每服一兩薑棗水煎服

益元散 治中暑身熱小便不利或發熱體痛口乾作

渴

滑石

六兩

甘草

微炒  
一兩

右爲末每服三錢加蜜少許湯水任下

二陳湯

方見二十四卷第五論

來復丹

五苓散

二方見二十一卷第十論

竹葉石膏湯

方見十三卷第十論

婦人翻胃吐食方論第三 論新增

愚按病機云前症有三曰氣積寒也皆從三焦論之上焦吐者從於氣氣者天之陽也其脉浮而洪食已暴吐渴欲飲水大便燥結氣上衝胸發痛其治法當降氣和中中焦吐者從於積有陰有陽食與氣相假爲積而痛其脉浮而匿其症或先痛而後吐或吐而後作痛治法當以小毒藥去其積檳榔木香行其氣

下焦吐者從于寒地之道也其脉沉而遲其症朝食  
暮吐暮食朝吐小便清大便秘而不通治法當以毒  
藥通其閉塞温其寒氣大便漸通復以中焦藥和之  
不令大便秘結而自愈也王太僕曰食不得入是有  
火也食入反出是無火也又發明日噎者六腑之所  
主陽也氣也塞者五臟之所主陰也血也二者皆由  
陰中伏火而作也劉宗厚先生曰若三焦傳化失常  
所致主於氣也若血虧胃脘乾稿所致因於血也塞



猶填塞不通之義故發明有治幽門不通噎塞不便  
通幽湯例蓋陽無陰不能通化陰之失位而陽伏其  
中傳化不變而反上行矣故前症或由飲食起居七  
情虧損脾胃痰飲停滯中氣不運當以補中益氣湯  
爲主若鬱結傷脾用歸脾湯加枳殼桔梗若恚怒傷  
肝用小柴胡加梔苓參朮脾氣虛弱用六君加山梔  
枳殼氣血俱虛用八珍湯加山梔半夏若用行氣之  
藥胸膈痞悶用六君芎歸之類若過用香燥之劑而

大便結燥用四物參朮之類若飲食不能入用六君  
山梔吳茱萸製黃連若食入而反出用六君炮薑白  
豆蔻黃連製吳茱萸若痰滯而食反出六君枳壳  
桔梗若飲食少思大便不實胸膈痞悶吞酸噯腐食  
反不化是爲脾胃虛寒用東垣固真丸或八味丸若  
發熱煩熱身惡風寒腹畏熟食或手足俱冷胸滿腹  
脹是內真寒外假熱用神效附子丸或八味丸大凡  
嘔吐善食喜飲冷水是爲有火嘔吐少食喜飲熱湯

是爲無火當審其因而治之

附治驗

一婦人患前症胸腹痞悶得去後或泄氣稍寬余曰此屬脾氣鬱結而虛弱也當調補爲善不信乃別用二陳枳實黃連之類不應又用香燥破氣前症益甚形氣愈虛余用加味歸脾湯調治半載而痊

一婦人患前症胸脇脹悶或小腹不利或時作痛小便瀉滯余曰此肝火血虛也當清肝火生肝血養脾

土生肺金以余言爲迂別服利氣化痰等劑前症益劇虛症遽起余用加味逍遙散加味歸脾湯兼服尋愈

一婦人患吐痰甚多手足常冷飲食少思余曰此肝脾鬱怒兼命門火衰不信另服化痰利氣之劑胸腹愈脹又服峻利疎導之劑余曰非其治也必變脾虛發腫之症急服金匱加減腎氣丸庶有可救仍不信反服沉香化氣等丸果發腫而歿

白堊散 治虛熱翻胃用白堊土一斤米醋一升煨土  
赤入醋內再煨再入以醋乾爲度取土一兩入炮薑  
一錢爲末每服一錢米飲下甚者二錢須服四兩有  
效

治實熱翻胃用黃連五錢生薑汁浸炒山查三錢保和  
丸三錢同爲末糊丸麻子大胭脂爲衣每服六十九  
煎人參湯入竹瀝下之

太倉丸 治胃弱翻胃

肉豆蔻

砂仁

各二兩

丁香

一兩

陳倉米

一升土炒

右爲末薑汁糊丸桐子大每服六七十丸薑湯下

青金丹

每服三十九生薑陳皮煎湯送下

方見前嘔吐類

附方

東垣補真丸

肉蓯蓉

酒浸焙

葫蘆巴

炒附子

炮去皮

陽起石

煨

肉豆

菟

麋畏煨

川烏

炮去皮

沉香

兔絲子

淨酒浸蒸

五味子

各五

錢

鹿茸

酒浸炒

巴戟

去心

鍾乳粉

各一兩

右爲末用羊腰子兩對治如食法葱椒酒煮搗爛入  
酒糊丸如梧子大每服七十九空心米飲鹽湯任下

神效附子丸

治脾腎虛寒嘔吐或翻胃膈噎用黑附

子重一兩四五錢端正底平尖圓一枚灰火炮皮裂  
入生薑自然汁內浸潤晒乾仍炮再入汁浸潤仍晒  
再炮用盡薑汁半碗爲度却去皮臍爲末以人參煎  
膏丸黍米大每服數丸津唾嚥下胃氣稍復飲食稍  
進投以溫補之劑

六君子湯

補中益氣湯

四物湯

三方見二十四卷第六論

歸脾湯

加味歸脾湯

八珍湯

加味逍遙散

四方見二十四卷第四論

八味丸

方見二十四卷第十一論



二陳湯

方見二十四卷第五論

金匱加減腎氣丸

方見二十二卷第十論

婦人血膈方論第四

愚按前症若氣逆而血滯用沅氣飲若恚怒而血逆  
用小柴胡山梔丹皮血虛用四物參朮柴胡山梔丹  
皮若鬱結而血傷用加味歸脾兼加味逍遙散脾虛  
不能生血用六君歸芎胃虛不能生血用益氣湯若  
肝虛而不能藏血用補肝散如不應兼以六味丸若

因脾肺虛用補中益氣湯如不應用六君加芎歸

附治驗

一婦人患前症胸膈痞悶余曰此屬脾經血虛遂用  
四君芎歸調補脾氣尋愈又因怒兼兩脇痞悶頭目  
不清月經旬餘未竭用加味道遙散加鈞藤治之復  
瘥

一婦人患前症胸膈作痛面青目劓小便頻數或時  
寒熱此肝氣滯而血凝先用失笑散二服痛止又用

加味道遙散而愈

一婦人所患同前泛用行氣破血之劑以致不起

神功散 治血滯胸腹作痛

五靈脂炒二兩 莪朮 桂心 芸薹子炒各半兩

右每服二錢酒水煎

附方

沅氣飲 方見三卷第七論

小柴胡湯 方見二十四卷第二論

加味歸脾湯

加味逍遙散

二方見二十四卷第四論

四物湯

補中益氣湯

四君子湯

六君子湯

四方見二十四卷第六論

補肝散

方見本卷第十七論

六味丸

方見二十四卷第十一論

失笑散

方見二十卷第五論

製吳茱萸黃連法用二味等分用熱湯拌濕和勻重湯

頭煑使氣相通同炒焦各揀出聽用

婦人鼻血方論第五

婦人氣血調和則循環經絡若勞傷元氣陰虛火動氣  
逆於肺則血隨鼻而衄產後尤不可治陳無擇曰亦有  
因怒氣而得者趙恭人鼻衄先用蘇合香丸四粒次用  
五苓散濃煎白茅花湯調服即止又用芎歸湯調理而

安一富男鼻血六脉洪數訊之云曾服丹藥遂用芩連  
大黃爲末水調服解之而愈

愚按前症若熱鬱於胃經用犀角地黄湯若伏暑於  
內用黃連香薷飲若大怒血蓄于上用小柴胡湯若  
脾損不能攝血歸源用歸脾湯大凡雜症見血多因  
陰分鬱熱或內有所傷皆屬五志所動經曰諸見血  
身熱脉大者難治是火邪勝也身凉脉靜者易治是  
正氣復也仍與後症同用

附治驗

一婦人經素不調因怒衄血此肝火熾盛用加味小柴胡加紅花二劑血止又用加味逍遙散八珍湯兼服三十餘劑經行如期

一婦人鬱結而患前症用加味歸脾湯其血漸止飲食漸進用加味道遙散元氣漸復寒熱漸止後因怒仍衄寒熱往來用小柴胡湯加芎歸丹皮而愈

一婦人因勞衄血服涼血之劑更致便血或以血下

爲順仍用治血余曰此因脾氣下陷而血從之當升  
補脾氣庶使血歸其經不信果血益甚余朝用補中  
益氣湯夕用加味歸脾湯而愈此症用寒涼止血不  
補脾肺而死者多矣

刺薊散 治血熱鼻衄

刺薊 生地黄各二錢 桑耳 亂髮灰 艾葉炒各一錢

蒲黃五分

右水煎服



犀角地黄湯

方見後

又方用白茅根汁一合飲之即止

又方用生葱心塞鼻中血即止若刀斧所傷用之血亦止

四物湯加側柏生地黃治虛熱吐血甚效若脾經血虛須用四君加芎歸若脾經氣鬱須用歸脾湯若肝腎虧損須用六味丸若氣血俱虛須用十全大補湯

附方

濟生犀角地黄湯 治熱鬱不解泛行經絡或流腸胃

隨氣湧泄以致衄血吐血或爲便血並皆治之

犀角

鎊如無  
升麻代

生地黄

白芍藥

牡丹皮

各一  
錢

右每服四五錢水煎若實熱熾甚加炒黃芩若去血  
過多或脾肺之氣虧損不能攝血歸源者急用四君

子湯懷抱鬱結者用歸脾湯

枇杷葉散 治暑毒攻心衄血嘔血或吐瀉作渴

香薷

二錢

厚朴

姜製  
錢半

甘草

炙

麥門冬

去心

木瓜

不見  
鐵器

白

茅根

各一錢

枇杷葉

陳皮

丁香

各五分

右末每服三五錢薑水煎

黃連香薷飲

治伏暑衄血便血不拘四時

方見本卷第二論

小柴胡湯

加味小柴胡湯

二方見二十四卷第二論

歸脾湯

加味道遙散

八珍湯

加味歸脾湯

四方見二十四卷第四論

補中益氣湯

方見二十四卷第六論

婦人吐血方論第六

婦人吐血者由臟腑傷損所致夫氣血外行於經絡內榮於臟腑若六淫七情飲食起居有所損傷行失常道逆則吐血也

愚按前症若脾經鬱熱用犀角地黄湯脾胃伏暑用黃連香薷飲心脾鬱熱用生地黄湯心氣耗損用茯

苓補心湯脾氣勞傷用鷄蘇散思慮傷脾用歸脾湯  
暴怒肝火用加味小柴胡湯久怒肝傷六味地黄丸  
脾肺虛熱用麥門冬飲肝腎虛熱用六味地黄丸氣  
血俱虛用十全大補湯經云肺朝百脉之氣肝統諸  
經之血必用甘溫之劑補其陽氣使血各歸其經如  
大吐血病毋論其脉急用獨參湯救之若潮熱咳嗽  
而脉數者元氣虛而假熱之脉也皆由脾胃先損須  
用人參之類本草云人參治脾胃不足補中溫中瀉

脾肺中火東垣先生云脾胃虛者心火亢甚而乘土  
位脾氣受邪須用黃芪最多人參甘草次之脾胃一  
虛肺氣先絕故用黃芪以益皮毛而閉腠理嘗治氣  
血虛弱用十全大補最善若用寒涼止血胃氣反傷  
無不致禍

附治驗

一老婦每作先飲食不進或胸膈不利或中脘作痛  
或大便泄瀉或小便不利余以爲肝脾之症用逍遙

散加山梔茯神遠志木香而愈後鬱結吐紫血每作  
先倦怠煩熱以前藥加炒黑黃連三分吳茱萸二分  
頓愈復因怒吐赤血甚多燥渴垂死此血脫也法當  
補氣乃用人參一兩苓朮當歸各三錢陳皮炮黑乾  
薑各二錢炙甘草木香各一錢一劑頓止又用加味  
歸脾湯調理而痊

一女子懷抱素鬱胸滿食少吐血面赤用六味丸及  
歸脾加山梔貝母芍藥而愈

一婦人爲哭母吐血咳嗽發熱盜汗經水不行此悲傷肺思傷脾朝服補中益氣加桔梗貝母知母夕用歸脾湯送六味丸而愈

柔脾湯

治虛熱吐血衄血汗出

甘草

炒

白芍藥

炒

黃芪

各半兩

熟地黄

自製一兩五錢

錢

右每服五錢水酒煎 一婦人月經不利忽妄行嘔血察其形脉如常用四生丸即安一女子飽食負重而吐血用前湯及青餅子而愈世治吐血並用竹茹



地黃藕汁亦不可拘泥如陽乘於陰血得熱則流散  
經水沸溢理宜涼解地黃犀角之類如陰乘於陽所  
謂天寒地凍水凝成冰須當溫散乾薑肉桂之類

四生丸 治陽乘於陰以致吐血衄血

生荷葉

生艾葉

生栢葉

生地黃

各等分

右研丸鷄子大每服一九水煎服陳日華云先公嘗  
遊靈石寺主僧留飯設卓一僧見卓不穩急俯穩之  
舉首即嘔血明年到寺問舊嘔血者何如主僧言服

得四生丸遂愈自得此方屢治有效愚意前症乃內  
熱暴患用之有效若人病久本元不足須補脾以滋  
化源否則虛火上炎金反受尅獲生鮮矣

犀角地黄湯

方見前

薑草湯 若陰乘於陽寒而嘔血

甘草

炒

乾薑

各一錢

右水煎服理中湯亦妙

花蕊石散

治瘀血積於內以致大小便不通或血蓄

於上而吐不止一婦人苦吐血百藥不效童便酒調

不數服而愈

方見胎前不下

如聖散

治吐血不已每服二錢米飲下

方見十七卷催生中

附方

濟生鷄蘇散

治勞傷肺經唾中有血咽喉不利

鷄蘇葉

黃芪

炒生地黃

阿膠

炒貝母 白茅

根

各一錢

桔梗

炒

麥門冬

去心

蒲黃

炒

甘草

炒各五分

右薑水煎服

生地黃散 治鬱熱衄血咯血吐血陰虛而不能愈者

枸杞子 柴胡 黃連炒 地骨皮 天門冬 白

芍藥炒 甘草炒 黃芩炒 黃芪炒 生地黃 熟地黃

自製各  
五分

右水煎下血加地榆

三因茯苓補心湯 治面色黃瘁五心煩熱咳嗽吐血

半夏 前胡 紫蘇 茯苓 人參 枳殼麩 桔

梗炒 甘草炒 乾葛各五分 當歸一錢 川芎 陳皮

白芍藥

錢各一

熟地黄

自製一錢五分

右薑棗水煎服

麥門冬飲子

治氣虛吐血或氣虛不能攝血者

五味子

粒十

麥門冬

去心

黃芪

炒各一錢

當歸身

人參

生地黄

錢各半

右水煎服

十全大補湯

治胃氣虛弱吐血衄血便血不止以致

外症惡寒發熱自汗盜汗食少體倦或寒熱作渴頭

疼眩暈而似中風或氣血俱虛胸腹脇痛或骨節作  
痛經候不調或寒熱往來發熱晡熱或五心發熱咽  
乾舌燥或痰嗽喘促胸膈虛痞或嘔吐泄瀉手足冷  
熱等症

歸脾湯

加味逍遙散

三方見二十四卷第四論

加味小柴胡湯

方見二十四卷第二論

六味丸

八味丸

二方見二十四卷第十一論

獨參湯

方見三卷第十一論

補中益氣湯

方見二十四卷第六論

黃連香薷飲

枇杷葉散

二方見本卷前

婦人痿痺諸氣方論第七

婦人痿痺因元氣虛弱而邪氣積聚蓋痿者在腹內近  
臍左右有筋脉急痛如臂如指如絃之狀痺者僻在兩

肋之間有時而痛皆陰陽不和經絡痞膈飲食停滯冷氣固結而成也

愚按前症因飲食起居七情失宜虧損臟腑氣血乖違陰絡受傷循行失度所致羅謙甫先生曰養正邪自除必先調養使榮衛充實若不消散方可議下但除之不以漸則必有顛覆之害若不守禁忌縱嗜慾其有不喪身者鮮矣

### 附治驗



一婦人內熱作渴飲食少思腹內初如鷄卵漸大四寸許經水三月一至肢體消瘦齒頰似瘡脉洪數而虛左關尤甚此肝脾鬱結之症外貼阿魏膏午前用補中益氣湯午後用加味歸脾湯兩月許肝火少退脾土少健午前以補中益氣下六味丸午後以逍遙散下歸脾丸又月餘日用蘆薈丸二服空心以逍遙散下日晡以歸脾湯下喜其謹疾調理年餘而愈

一婦人腹內一塊不時上攻或作痛有聲或吞酸痞

悶月經不調小便不利二年餘矣面色青黃余以  
爲肝脾氣滯以六君加芎歸柴胡炒連木香吳茱各  
少許二劑却與歸脾湯下蘆薈丸三月餘肝脾和  
而諸症退又與調中益氣加茯苓丹皮中氣健而經  
自調

一婦人性多鬱善怒勤於女工小腹內結一塊或作  
痛或痞悶月經不調略服伐肝之劑內熱寒熱胸膈  
不利飲食不甘形體日瘦牙齦蝕爛此脾土不能生

肺金肺金不能生腎水腎水不能生肝木當滋化源  
用補中益氣六味地黄至仲春而愈

松江太守何恭人性善怒腹結一塊年餘上膠蝕透  
血氣虛極時季冬肝脉洪數按之弦緊或用伐肝木  
清胃火之藥余曰真氣虛而邪氣實也恐伐肝木至  
春不能發生耳用八珍湯以生氣血用地黃丸以滋  
腎水肝脉頓退因大怒耳內出血肝脉仍大煩熱作  
渴此無根之火也仍以前藥加肉桂二劑脉斂熱退

復因大怒果卒於季冬辛巳日乃金尅木故也

一婦人經候過期發熱倦怠或用四物黃連之類反  
兩月一度且少而成塊又用峻藥通之兩目如帛所  
蔽余曰脾爲諸陰之首目爲血脉之宗此脾傷五臟  
皆爲失所不能歸於目也遂用補中益氣濟生歸脾  
二湯專主脾胃年餘而愈

麝香丸 治瘥癍冷氣心腹作痛

麝香

二錢  
另研

五靈脂

炒

阿魏

五錢  
麩裹  
煨令麩熟

桃仁

三稜

各二

製兩醋

芫花

醋炒

檳榔

各一兩

莪朮

醋製

桂花

沒藥

木

香

當歸

各半兩

右爲末飯丸桐子大每服十九淡醋湯下

治瘰癧神效以獾猪肝一具重十餘兩用芑豆仁五十枚入肝內用醎醋三碗慢火熬乾研爛量入三稜末丸桐子大每服五丸食前熱酒下

羅安人每經行臍腹痛甚以桃仁桂枝湯一劑而瘥方

凡第一卷十二論

治經來腹先痛用局方七氣湯送來復丹局方積氣丸  
疰癖癥瘕諸氣亦效

附方

蘆薈丸 治疴癖肌肉消瘦發熱潮熱飲食少思口乾  
作渴或肝疴食積口鼻生瘡牙齦蝕爛等症

蘆薈 胡黃連 黃連炒 木香 白蕪荑炒 青皮

各五錢 當歸 茯苓 陳皮各一兩 甘草炒 七

右爲末米糊丸桐子大每服七八十九米湯下

阿魏膏 治一切痞塊更服胡連丸

羌活 獨活 玄參 官桂 赤芍藥 川山甲

生地黄 兩頭尖 大黃 白芷 天麻 槐

柳桃枝

錢各三

紅花

錢四

木鼈

十枚去殼

亂髮

如鷄子一團

右用香油二斤四兩煎黑去粗入髮煎髮化仍去粗

徐下黃丹煎軟硬得中入芒硝阿魏蘇合油乳香沒

藥各五錢麝香三錢調勻即成膏矣攤貼患處內服

九藥黃丹須用真正者效凡貼膏藥先用朴硝隨患

處鋪半指厚以紙蓋用熱熨斗熨良久如硝耗再加  
熨之二時許方貼膏藥若是肝積加蘆薈末同熨

六君子湯

補中益氣湯 二方見二十四卷第六論

八珍湯

加味歸脾湯

歸脾湯

逍遙散

四方見二十四卷第四論



六味丸

方見二十四卷第十一論

調中益氣湯

方見四卷第五論

婦人疝瘕方論第八

婦人疝瘕之病由飲食不調氣血勞傷或胎產經行風冷相搏所致蓋疝者痛也瘕者假也脉弦急者生虛弱者死尺脉濇浮牢爲血實氣虛腹痛逆氣上行此爲胞中有惡血久則結成症也

愚按子和先生云遺溺閉瘕陰痿瘰疬精滑白淫皆

男子之疝也若血涸月事不行行後小腹有塊或時  
動移前陰突出後陰痔核皆女子之疝也但女子不  
謂之疝而謂之瘕

附治驗

一婦人小腹痞脹小便時下白帶小水淋瀝此肝經  
濕熱下注用龍膽瀉肝湯而愈

一婦人小腹胀痛小水不利或胸乳作痛或脇肋作  
脹或氣逆心忒余以爲肝火而血傷脾用四物柴胡

青皮玄胡索木香而愈

一婦人小腹痞悶小便不利內熱體倦懶食用八珍湯加柴胡山梔龍膽草治之而安

乾漆散 治疝瘕脇肋疼痛

乾漆

炒令  
烟盡

木香

芫花

醋炒

赤芍藥

桂心

當歸

川芎

琥珀

各半  
兩

大黃

二兩  
炒

牛膝

一兩  
兩

桃仁

去皮  
尖一

兩另  
研麝香一錢

右爲末每服一錢溫酒調下

蟠葱散

治前症屬寒氣不散疼痛甚效

方見二十四卷第八論

附方

寶鑑蒺藜湯

治陰疝小腹作痛小便不利手足逆冷

或脇腹悶痛

蒺藜

去刺

附子

炮

梔子

去皮各半兩

右末每三錢水煎食前溫服

丹溪定痛散

治寒疝疼痛速效

枳殼

十五兩

山梔子

炒

唐菟子

吳茱萸

炒

荔枝核

炮各  
等分

右末用長流水調下一二錢空心服

三因失笑散

治小腸疝氣痛或血疝肚腹作痛

方見

二十卷第五論

龍膽瀉肝湯

方見二十四卷第八論

四物湯

方見二十四卷第六論

八珍湯

方見二十四卷第四論

婦人八瘕方論第九

婦人臟腑調和經脈循環則月水以時故能生子而無病若乘外邪而合陰陽則小腹胸脇腰背相引而痛月事不調陰中腫脹小便淋瀝而色黃黑則瘕生矣八瘕者黃青燥血脂狐蛇蠶是也千金外臺言之詳矣

愚按經曰氣主噓之血主濡之若血不流則凝而爲瘕也瘕者中雖硬而忽聚忽散多因六淫七情飲食起居動傷臟腑而成當與疝癖諸症治同慎不可復傷元氣

桃仁煎 治血瘕

桃仁

大黃

炒各一兩

蜚蠊

半兩炒黑

朴硝

一兩

右爲末以醇醋一鍾石器中煮三分下前三味不住手攪煎至可丸下朴硝丸桐子大不喫晚食五更初溫酒下五丸日午下穢物如未見再服仍以調氣血藥補之予向在毗陵一婦人小便不通臍腹脹甚予診之曰此血瘕也用前藥一服腹痛下血塊血水即愈此藥猛烈大峻氣血虛者斟酌與之

大硝石丸 治七癥八瘕當用此藥去之不令人困

硝石

三兩

大黃

四兩

人參

一分

甘草

八分

右爲末苦酒一升石器中先入大黃煎膏入餘藥丸

梧子大每服三十九丸米飲下三日一服宜下赤物

婦人腹中瘀血方論第十

婦人腹中瘀血者由月經閉積或產後餘血未盡或風寒滯瘀久而不消則爲積聚癥瘕矣

愚按前症若鬱結傷脾用加味歸脾湯若恚怒傷肝



用加味逍遙散若產後惡露用失笑散若肝脾虧損用六君柴胡以補元氣為主胃氣虛弱用益氣湯加茯苓半夏爲主大凡腹中作痛畏手按者此內有瘀血若形體如常屬病氣元氣俱實用桃仁承氣湯直下之若痛而肢體倦怠飲食少思此脾胃受傷屬病氣有餘元氣不足用當歸散調和之若痛而喜手按腹形體倦怠飲食少思此形氣病氣俱不足用六君炮姜芍歸純補之若痛而大便不實飲食難化此

脾腎虛寒用六君炮薑肉果溫補之若痛而作嘔少  
食此脾胃虛弱用六君炮薑藿香若痛而嘔吐不食  
泄瀉用六君加薑桂若兼手足逆冷自汗更加附子  
此症多有因攻伐而致者

附治驗

一婦人耳下腫赤寒熱口苦月經不調小腹內一塊  
此肝火氣滯而血凝也用小柴胡加山梔川芎丹皮  
治之諸症悉退

一婦人久患腹痛去瘀血方止而復大痛諸藥不納  
予以脾胃之氣虛寒用參朮炮薑丸如黍每用數粒  
津嚥下後以二味濃煎漸呷而愈

桃仁丸 治瘀血不利月水不調發熱作渴心腹滿急  
或肚腹中作痛

桃仁

大黃

炒各三兩

蠶蟲

炒去翅足

水蛭

炒焦各四十枚

右爲末煉蜜丸桐子大每服五六丸空心熱酒下

附方

桃仁承氣湯 治瘀血小腹急痛大便不利或譫語口

乾漱水不嚙遍身黃色小便自利或血結胸中手不  
敢近腹或寒熱昏迷其人如狂

桃仁

兩半

大黃

兩 炒一

甘草

錢二

肉桂

錢一

右薑水煎發日五更服

附方

加味歸脾湯 治瘀血已去或脾經失血小腹作痛無

寐發熱盜汗或脾傷不能攝血或心脾傷痛嗜卧少

食或憂思傷脾血虛發熱或肢體腫痛大便不調或  
經候不准晡熱內熱

加味道遙散

二方見二十四卷第四論

失笑散

方見二十卷第五論

六君子湯

補中益氣湯

二方見二十四卷第六論

當歸散

方見後卷第五論

小柴胡湯

方見二十四卷第二論

婦人癥痞方論第十一

婦人癥痞由飲食失節脾胃虧損邪正相搏積于腹中  
牢固不動故名曰癥得冷則作痛冷入子藏則不孕入  
胞絡則月水不通

愚按前症若脾胃虛弱用六君子加芎歸若肝脾虛  
弱用補中益氣及歸脾湯若肝火鬱滯佐以蘆薈地  
黃二丸外貼阿魏膏患者須慎七情六淫飲食起居  
治者不時審察病機而藥之庶幾有效

附方

穿山甲散

治癥痞瘀血心腹作痛

穿山甲

灰炒  
燥

鼈甲

醋炙

赤芍藥

大黃

炒

乾漆

炒令  
烟盡

桂心

各一兩

川芎

芫花

醋炒

當歸尾

各半兩

麝香

一錢

右爲末每服一錢酒調下

六君子湯

補中益氣湯

二方見二十四卷第六論

歸脾湯

方見二十四卷第四論

六味地黄丸

方見二十四卷第十二論

蘆薈丸

阿魏膏

二方見本卷第七論

婦人食癥方論第十二

婦人食癥由臟腑虛弱經行不忌生冷飲食或勞傷元氣所致陳無擇云經不行者宜先導之然後固元氣為主

愚按前症若形氣虛弱須先調補脾胃為主而佐以



消導若形氣充實當先疏導爲主而佐之補脾胃若  
氣壅血滯而不行者宜用烏藥散散而行之若脾氣  
虛而血不行者宜用四君芎歸補而行之若脾氣鬱  
而血不行者宜用歸脾湯解而行之若肝脾血燥而  
血行者宜用加味逍遙散清而行之大抵食積痞塊  
之症爲有形蓋邪氣勝則實真氣奪則虛當養正闢  
邪而積自除矣雖然堅者削之客者除之胃氣未虛  
或可少用若病久虛乏者不宜輕用

烏藥散

方見後

婦人積年血癥方論第十三

婦人積年血癥由寒溫失節脾胃虛弱月經不通相結  
盤牢久則腹脇苦痛宜用三稜煎主之

愚按前症多兼七情虧損五臟氣血乖違而致蓋氣  
主噓之血主濡之脾統血肝藏血故鬱結傷脾恚怒  
傷肝者多患之腹脇作痛正屬肝脾二經症也竊謂  
羅謙甫先生云養正積自除東垣先生云人以胃氣

卷三十一  
爲本治法宜固元氣爲主而佐以攻伐之劑當以歲月求之若欲速效投以峻劑反致有誤右七症方藥當互相參用

附方

三稜煎 治血癥血瘕食積痰滯

莪朮

醋浸炒

三稜

各三兩

青皮

去白

半夏

麥芽

炒各一兩

右用好醋一鍾煮乾焙爲末醋糊丸桐子大每服三四十九淡醋湯下痰積薑湯下

婦人血氣心痛方論第十四

婦人血氣心痛由臟腑虛弱風冷所乘蓋心爲諸臟之主若心受傷名真心痛朝發夕死夕發旦死若心絡傷故痛發乍輕乍甚而成斯症也

愚按前症若寒邪所傷溫散之飲食停滯消導之肝火妄動辛平之脾氣鬱結和解之仍與後六症方藥  
同用

附治驗

一婦人久患心痛飲食少思諸藥到口即吐予以爲  
脾土虛弱用白朮一味同黃土炒去土每服一兩以  
米泔煎濃徐服少許數日後自能大飲用三斤餘而  
安

上舍陳履學長子室素怯弱產後患疥瘡年餘不愈  
因執喪旬月每欲眩仆一日感氣忽患心脾高腫作  
疼手不可按而嘔吐不止六脉微細或見其形實誤  
認諸痛不可補氣乃用青皮木香五味吳茱萸等藥

而愈繼復患瘧且墮胎又投理氣行血之藥病雖去  
元氣轉脫再投參芪補劑不應矣六脉如絲欲絕迎  
予至診之曰形雖實而脉虛極反用理氣之劑損其  
真氣故也連投參芪歸朮附子薑桂二劑間用八味  
丸五日寢食漸甘六脉全復此症若心脾疼痛時即  
服此等藥瘧亦不作矣

附方

烏藥散 治血氣壅滯心腹作痛

烏藥

莪朮

醋浸炒

桂心

當歸

桃仁

青皮

木香

各等分

右爲末每服二錢熱酒調下

靈苑方

用生五靈脂爲末每服一錢沸湯下日三服

八味丸

方見二十四卷第十一論

婦人血氣心腹疼痛方論第十五

婦人血氣心腹疼痛由臟腑虛弱風邪乘之真邪相搏  
隨氣上下故故心腹作痛也

愚按前症若氣滯血瘀用沒藥散勞傷元氣用四  
物湯肝脾鬱結用四七湯怒動肝火用小柴胡湯肝  
脾血虛用四物湯脾肺氣虛用四君子湯中氣虛弱  
用補中益氣湯氣血俱虛用八珍湯

附治驗

一婦人每怒心腹作痛久而不愈此肝火傷脾氣也  
用炒山梔一兩生薑五片煎服而痛止更以二陳加  
山梔桔梗乃不發



一婦人懷抱鬱結不時心腹作痛諸藥不應用歸脾湯倍加炒山梔而愈

陳湖陸小村母久患心腹疼痛每作必胸滿嘔吐手足俱冷面赤唇麻咽乾舌燥寒熱不時月餘竟夕不安其脉洪大衆以痰火治之屢止屢作迨乙巳春發頻而甚仍用前藥反劇此寒涼損真之故內真寒而外假熱也且脉息洪弦而有怪狀乃脾氣虧損肝木乘之而然當溫補胃氣遂用補中益氣湯加半夏

茯苓吳茱萸木香一服熟寐徹曉洪脉頓斂怪脉頓  
除諸症釋然

附方

琥珀散 治氣滯心腹撮痛或月經不行小腹疼痛

烏藥

莪朮

醋浸炒  
各二兩

當歸

一兩

右爲末每服二錢溫酒調下

蠲痛散 治血氣刺痛

荔枝核

燒存性  
半兩

香附子

一兩

右爲末每服二錢鹽酒調下

菖蒲丸

治血積心脾作疼

男六德續添

九節菖蒲

六兩

吳茱萸

炒

香附子

各四兩

右爲末醋調神麩糊丸桐子大每服四五十九淡薑

湯調下

沒藥散 治血氣不行心腹作痛或行注疼痛或月經

不調發熱晡熱並用之

紅花

沒藥

當歸

玄胡索

炒各等分

右爲末每服二錢童便酒調下

木香枳朮丸 破滯氣消飲食開胃進食消化痰涎

木香 枳實 炒各一兩 白朮 二兩

右每服五錢薑棗水煎服

木香化滯湯 治脾胃虛弱飲食停滯腹脹作痛或

心下痞滿不思飲食若憂怒飲食而致者尤宜用之

木香 紅花 各三錢 橘皮 當歸 稍各二錢 柴胡 四錢 草

豆蔻

甘草

炙半兩

半夏

一兩

枳實

炒二錢

右每服三五錢薑水煎服

補中益氣湯

四君子湯

四物湯

三方見二十四卷第六論

四七湯

方見十一卷第七論

小柴胡湯

方見二十四卷第二論

八珍湯

歸脾湯

二方見二十四卷第四論

二陳湯

方見二十四卷第五論

婦人血氣小腹疼痛方論第十六

婦人小腹疼痛由胞絡受冷搏於血氣結於小腹因虛發動故痛也

愚按前症若氣寒血結用葳靈仙散氣滯血凝用當歸散肝經血虛用四物湯加參朮柴胡肝經濕熱用龍膽瀉肝湯肝脾氣虛用六君子湯加柴胡芍藥肝

脾虛寒用六君子湯加柴胡肉桂若兼嘔吐加木香  
四肢逆冷再加炮薑

附治驗

通府張孟威云其妹小腹痛服附子理中湯附子服  
過八十餘枚此乃沉寒痼冷之甚不多有者

附方

葳靈仙散 凡冷氣滯血小腹疼痛或經行遇怒腹脹  
痛宜用之

葳靈仙

兩一

當歸

沒藥

木香

桂心

兩各半

右爲末每服一錢熱酒調

當歸散 凡血積小腹疼痛或因氣逆月經不行肚腹  
作痛

當歸

炒

赤芍藥

劉寄生

沒藥

枳殼

炒麩

玄胡

索

炒各  
等分

右爲末每服一錢熱酒調下

四物湯



六君子湯

二方見二十四卷第六論

龍膽瀉肝湯

方見二十四卷第八論

附子理中湯

方見二十一卷第九論

婦人兩脇脹痛方論第十七

婦人兩脇脹痛因臟腑虛弱氣血不調風冷客於胞絡相搏壅塞故也

愚按東垣先生云胸脇作痛口苦舌乾寒熱往來發嘔發吐四肢滿悶淋洩便難腹中急痛此肝木之妄

行也竊謂前症若暴怒傷血用小柴胡芎歸山梔氣  
虛用四物參朮柴梔若久怒傷氣用六君芎歸山梔  
若氣血俱虛用六味地黃丸若經行腹痛寒熱晡熱  
或月經不調發熱痰咳少食嗜卧體痛用八珍柴胡  
丹皮若脇脹發熱口渴唾痰或小便淋瀝頸項結核  
或盜汗便血諸血失音用六味丸若兩脇作脹視物  
不明或筋脉拘急面色青小腹痛或小便不調用補  
肝散若槩用香燥之劑反傷清和之氣則血無所生

諸症作焉丹溪先生云右脇痛用推氣散小龍薈丸  
當歸蘆薈丸控涎丹抑青丸十棗湯皆病氣元氣俱  
實之劑用者審之

附治驗

一婦人性急吐血發熱兩脇脹痛日晡益甚此怒氣  
傷肝氣血俱虛也朝用逍遙散倍加炒黑山梔黃柏  
貝母桔梗麥門冬夕以歸脾湯送地黃丸而愈

一孀婦內熱晡熱肢體痠麻不時吐痰或用清氣化

痰藥喉間不利白帶腹脹用行氣散血藥胸膈不利  
肢體時麻此鬱怒傷肝脾而藥益甚也予則朝用歸  
脾湯以解脾鬱生脾氣夕用加味道遙散以清肝火  
生肝血百餘劑而愈後因怒飲食日少肢體時麻此  
乃肝火侮土用補中益氣加山梔茯苓半夏而痊又  
飲食失調兼有怒氣肢體麻甚月經如注脉浮洪而  
數此脾受肝傷不能統血而致崩肝氣虧損陰血而  
脉大繼用六君加芎歸炮薑而血崩止又用補中益

氣加炮薑茯苓半夏而元氣復更用歸脾湯逍遙散  
調理而康

附方

歲靈仙散

治冷氣血滯兩脇作痛

方見前

人參紫荊皮散

治心腹刺痛胸膈飽滿不進飲食

紫荊皮

蒼朮

石菖蒲

各一兩

香附子

二人

參半兩

木香

三錢

右爲末米糊丸桐子大每服三十九食後薑湯下

左金丸

一名四  
金丸

治肝火胸脇脹痛或發寒熱或頭目作

痛或大便不實或小便淋秘或小腹疼痛及一切肝

火之症

黃連

炒六  
兩

吳茱萸

一兩湯煮  
片時用

右爲末粥丸白朮陳皮湯下

當歸龍薈丸 治肝經實火胸脇脹痛或大便秘結小

便澁滯凡屬肝經實火皆宜用之

當歸

龍膽草

炒

梔子仁

炒

黃連

炒

黃芩

炒各

大一兩

黃炒蘆薈

青黛

各五錢

木香

二錢五分

麝香

另研五分

右爲末用神麩糊九桐子大每服二十九薑湯下

補肝散

治肝腎二經氣血虧損脇脹作痛或脇脹頭

暈寒熱發熱或遍身作痛經候不調

當歸 山藥

五味子

炒

山茱萸肉

黃芪

炒川

芎

木瓜

各半兩

熟地黄

白

白朮

炒

獨活

酸棗

仁炒各  
四錢

右爲末每服五錢棗水煎服

小柴胡湯

方見二十四卷第二論

四物湯

補中益氣湯

六君子湯

三方見二十六卷第六論

六味丸

方見二十四卷第十一論

八珍湯

逍遙散

歸脾湯



加味逍遙散

四方見二十四卷第四論

婦人心腹脹滿方論第十八

婦人心腹脹滿由心脾虛損邪氣乘之此足少陰腎經之脈起於足小指貫腎絡膀胱入肝肺出絡於心若邪搏三經併結於脾脾虛則心腹脹滿矣

愚按前症脾胃虛痞用六君子湯脾胃虛寒者用人參理中湯鬱結氣滯者用歸脾湯肝侮脾土用六君柴芍脾氣壅滯用平胃散肺氣壅滯用紫蘇飲宿食

壅滯用養胃湯脾血虛痞用四物參朮

右六症當互  
相參用仍與

六卷第七  
論同用

附治驗

嘔吐心腹痛見  
七卷第一論

一婦人胸膈不利飲食少思腹脹吞酸或用疏利之  
藥反致中滿不食予以爲脾土虛而肝木勝用補中  
益氣湯加砂仁香附煨薑又以六君子加芎歸桔梗  
而愈

吳江史玄年母久病之後遇事拂意忽胸腹脹滿面

目微腫兩腿重滯氣逆上升言語喘促所服皆清氣  
之劑不效予曰此脾肺虛寒也先用六君子湯一劑  
病勢頓減後用補中益氣加茯苓半夏乾薑三劑形  
體頓安後以七情失調夜間腹脹乃以十全大補加  
木香治之而痊

附方

白朮散 治脾胃氣滯心腹脹滿不欲飲食

白朮炒 草果

訶子

茯苓

檳榔

桂心

各五分

陳皮

厚朴

姜製人參

各一錢

甘草

炒三分

右薑棗水煎服

愚按前方治胸膈氣滯飲食內停之良劑若脾血虛痞須用四物參朮脾氣虛痞須用四君芎歸

補遺治心腹脹滿予嘗獨用厚朴薑汁炒每服五錢薑七片水煎溫服不拘時候間服沉香降氣湯得效此病氣元氣壅實之治法也

附方

平胃散

治脾氣壅滯胸腹不利或飲食不進停滯嘔

吐

蒼朮

厚朴

姜製

陳皮

各一分

甘草

炙五分

右薑棗水煎服

人參養胃湯

治脾氣壅滯胸膈不利或飲食壅滯胸

腹脹悶或兼外感風寒頭痛嘔吐等症

方見二十一卷第九論

四物湯

六君子湯

補中益氣湯

三方見二十四卷第六論

人參理中湯

方見二十卷第八論

十全大補湯

歸脾湯


二方見二十四卷第四論

紫蘇飲

方見十二卷第八論

調中益氣湯

方見四卷第九論



薛氏醫案卷三十一